

• **Futbola**

Reala: Mikel Aranburu taldearekin izango da apirilean, ez baitiote Espainiako selekzioetik deitu Mundialerako → **35**

• **Krosa**

Elkarrizketa: Cristina Petite: «Handia litzateke Belfasteko Mundialean zazpi lehenen artean sartzea → **36**

Athletic ♦ «Aldagela egoera onean» dagoela azpimarratu du azken zurrumurruei erantzunez

Fernandezen aitorpena

«Espanyolen aurka txarto jokatu gnuela onartzen dut», dio entrenatzaileak

Asier Iturriagaetxebarria / Bilbo


ESPANYOLEN aurka berdinketa lortu zuen Athleticcek azken minutuan Urzaizek sartutako gol bikainari esker. Puntu bat eskuratu zuen, baina talde zuri-gorriak ez zuen joko onik erakutsi, azken jardunaldietan egin duen legez. Eta Luis Fernandezek onartu egin du taldea gaizki jokatzeko ari dela azkenengo jardunaldietan. «Espanyolen aurka ez gnuela ondo jokatu onartzen dut», adierazi zuen Fernandezek asteko lehen entrenamendua amaitu ostean.

Athletic txarto jokatzeko ari bada ere, Salamancaren aurka garaipena lortu zuen eta Montjuicen berdinketa. Fernandezek argudio hori erabili zuen. «Denboraldiaren hasieran ondo jokatzeko gnuen baina ez gnuen garaipenik lortzen. Orain, oster, hain ondo jokatzeko ez badugu ere puntuak eskuratzen ditugu. Nahiago dut txarto jokatu eta partidua irabazi, ondo jokatu eta batere punturik gabe gelditzea baino».

Era berean, azken hamaiak jardunaldietan antzerako Athletic bat aurkituko dugula aurreratu zuen Fernandezek. «Liga bukatzeko gutxi falta da, eta talde guztiek dute zerbait jokoan. Niri atzetik baloia jokatuta ateratzea gustatuko litzaidake, baina aurrean beti izaten da aurkari bat». Horretaz gain, freskotasan faltari ere egotzi zion azken jardunaldietako joko eskasa.

Aldagelako kontuak

Espanyolen aurkako norgehiagokan Carlos Garcia eta Aitor Larrazabal aldatu zituen Fernandezek atsedendialdiaren ostean. Dirudie-



Luis Fernandez, Lezaman, prentsaurrekoan.

LUIS FERNANDEZ

■ ■ ■ «Nahiago dut gaizki jokatu eta partidua irabazi, ondo jokatu eta batere punturik gabe gelditzea baino»

nez, Tamudoren golean huts egitea egotzi zion entrenatzaileak Loiukoari atsedendian, eta Carlos Garcia taldekidea defenditu zuen. Azkenean, ez bata ez bestea

ez zen zelaira itzuli. Luis Fernandezek ez du arazorik nahi, eta beti defendatuko duela aldagela azpimarratu zuen. «Ni Athleticeko entrenatzaile naizen bitartean taldeak ez duela ondo jokatu esan hal izango da, edo beste jokalaririk horrek jokatu behar lukeela. Baina, ni entrenatzaile naizen bitartean azken erabakia nik hartuko dut beti».

Halaber, izan den talde guztietan, jokalaririk zein entrenatzaile gisa, «kolektiboa garrantzitsuen» izan dela aipatu zuen. «Nik talde bat lortzeko lan egin dut beti, eta emaitzek arra-

zioa eman didate. Horrela, koka naiz, eta ez naiz aldatuko».

Asteburu honetan ez da Liga jardunaldirik izango, eta, jakina denez, apirilaren 4an jokatu du Athleticcek bere hurrengo partidua Realaren aurka. Azken egunetan kirol egunkari bati derbiaren inguruko adieazpenak egin badizkio ere, atzo ez zuen horrelakorik egin nahi izan Fernandezek.

Horretaz gain, Ismael Urzaiz eta Joseba Etxeberria ez ziren Lezaman izan atzo, Espainiako selekzioan daudelako. Ferreira, bestalde, taldearekin entrenatu zen.

Athletic-Reala, «arrisku handiko partidua»

Apirilaren 4an, Aberri Egunean, jokatu du Athletic-Reala derbia «arrisku handiko norgehiagoka» dela esan du Espainiako Biolentziaren Aurkako Batzordeak.

Lacruzek nahiago du txarto jokatu eta irabazi

Mari Lacruzek bere entrenatzailearen iritzia bera du, eta atzo adierazi zuenez garrantzitsuen irabaztea da. «Nahiago dut bolada honi eutsi. Nahiago dut ez hain ongi jokatu eta goian izan, ondo jokatu eta igandero puntuak ez lortzea baino», adierazi zuen Bilboko irratia batean.

Clementek dio ez dela trukagarria Luis Fernandezekin

Zurrumurruek diotenez Betiseko Manuel Ruiz de Loperak Luis Fernandez fitxatu nahi du hurrengo denboraldirako. Betiseko egungo entrenatzaileak, Javier Clementek, ez direla trukagarriak aipatu zuen atzo. «Baina argi dago bakoitza bere lurraldean izango litzatekeela, bera andaluziarra delako eta ni euskal herritarra».

Oskar Vales Lezaman

Celtako jokalaririk Oskar Vales Lezaman izan zen atzo aspaldiko lagunak bisitatzeko. Fernandezek aipatu duenez, Basauriko atzelaria Athleticera itzuli-ko da ziurrenik.